



**CONVENIO ENTRE A AXENCIA GALEGA DE DESENVOLVEMENTO RURAL E O CONCELLO DE BEGONTE PARA A CONCESIÓN DUNHA SUBVENCIÓN DIRECTA AO PROXECTO SENLLEIRO DE ACONDICIONAMENTO E AMPLIACIÓN DO LOCAL SOCIAL DE CARRAL DENTRO DA CATEGORÍA DE "PROMOCIÓN E POSTA EN VALOR DA VIDA SOCIAL, CULTURAL E EDUCATIVA DA COMARCA".**

Santiago de Compostela, na data da sinatura electrónica.

**REUNIDOS**

Dunha parte, María José Gómez Rodríguez, conselleira do Medio Rural, en virtude do seu nomeamento polo Decreto 44/2024, do 14 de abril, polo que se nomean os titulares das consellerías da Xunta de Galicia (DOG núm. 73, do 14 de abril), na súa condición de presidenta da Axencia Galega de Desenvolvemento Rural, CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, José Ulla Rocha, na súa condición de alcalde do concello de Begonte, segundo o disposto no artigo 61 da Lei 5/1997, da administración local de Galicia, do artigo 21 da Lei 7/1985, do 2 de abril, reguladora das bases do réxime local, e do artigo 24 do Real decreto lexislativo 781/1986, do 18 de abril, do texto refundido das disposicións legais vixentes en materia de réxime local.

Ámbalas partes teñen plena capacidade para levar adiante este convenio e,

**EXPOÑEN**

**Primeiro.-** Que ambas entidades son conscientes da necesidade de favorecer as condicións do entorno rural para a mellora da calidade de vida da poboación. Poder contar cunha adecuada oferta no ámbito do ocio, do deporte, da cultura, e/ou nos sectores





produtivos, así como cunha boa gama de servizos básicos é fundamental para acadar unha mellora das condicións de socialización e interrelación das parroquias rurais de Galicia.

Todo isto, dende a premisa principal de garantir a existencia das infraestruturas básicas e de mellorar a estrutura do territorio para poder fixar a poboación do rural galego.

**Segundo.-** Que a Axencia Galega de Desenvolvemento Rural (en adiante, Axencia) creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

Entre as súas funcións está promover e poñer en valor no ámbito rural galego o patrimonio histórico, a recuperación da terra agraria, a contorna natural, a contorna natural e os produtos agroalimentarios, xa que as actuacións sobre os ditos ámbitos contribúen a mellorar a calidade de vida e a cohesión da vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

A Axencia no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros ([https://agader.xunta.gal/sites/w\\_pagade/files/documentacion/acordos/2022\\_04\\_28\\_acordo\\_proxectosensenlleiros.pdf](https://agader.xunta.gal/sites/w_pagade/files/documentacion/acordos/2022_04_28_acordo_proxectosensenlleiros.pdf)), modificado por acordo do 7 de novembro de 2022 do Consello de Dirección da Axencia Galega de Desenvolvemento Rural polo que se modifica a regra 4ª "Entidades beneficiarias dos proxectos senlleiros" onde se engade como entidade beneficiaria dos proxectos senlleiros as Comunidades de montes veciñais





en man común (punto 4.2 do Acordo) ([https://agader.xunta.gal/sites/w\\_pagade/files/documentacion/acordos/2022\\_11\\_7\\_certific\\_adosenlleiros.pdf](https://agader.xunta.gal/sites/w_pagade/files/documentacion/acordos/2022_11_7_certific_adosenlleiros.pdf)). As regras deste acordo conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: Mellorar a calidade de vida da poboación e promover a fixación desta nas áreas rurais.

**Terceiro.-** Nos termos previstos na Lei 7/1985, do 2 de abril, de bases do réxime local, o concello de Begonte para a xestión dos seus intereses e no ámbito das súas competencias, promove actividades e prestar os servizos públicos que contribúen a satisfacer as necesidades e aspiracións da comunidade veciña. No ámbito destas competencias, desenvolve todas aquelas funcións que favorezan o desenvolvemento da súa contorna. Por outro lado, o concello de Begonte, como entidade máxima da representación do seu territorio debe de ser unha entidade referente na potenciación de actuacións que favorezan ese desenvolvemento.

O 2 de xuño de 2025 o concello de Begonte presentou unha solicitude de colaboración a esta Axencia para o financiamento dun proxecto senlleiro dentro da categoría de "Promoción e posta en valor da vida social, cultural e educativa da comarca". Xunto coa solicitude achegou unha memoria valorada para o acondicionamento e ampliación do local social de Carral.

Ao longo dos últimos anos, a comunidade de veciños de Carral expuxo en numerosas ocasións a súa necesidade de ampliar este local social que data dos anos 90 para a organización de eventos, cursos...e outra serie de reunións. O seu uso implica a necesidade imperiosa de acometer reformas, acondicionalo e amplialo dado que a día de hoxe resulta insuficiente para as reunións da comunidade. Todas estas actuacións garanten o uso e disfrute desta edificación en condicións óptimas de calidade construtiva.

O exposto evidencia o seu valor social e cultural o que o xustifica a necesidade manifesta do concello de preservar esta edificación pública a través da realización dunha serie de actuacións definidas no proxecto, necesarias e imprescindibles para asegurar a súa conservación. Todas estas actuacións facilitarán a relación veciñal na preservación dos valores sociais no medio rural o que incentiva a necesidade que ten esta Axencia en potenciar a súa recuperación como lugar de encontro veciñal.

De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrência pública para a realización desta actuación dada a necesidade de atender áreas específicas como a promoción e posta en valor da vida social, cultural e educativa da comarca. Neste caso o proxecto presentado polo concello de Begonte para o acondicionamento e ampliación do local social de Carral destaca por ser por ser un proxecto onde se pretende levar a acabo actividades actividades lúdicas, culturais ou educativas así como ser un lugar de encontro e relación veciñal que incentiva o desenvolvemento da comarca.

En consecuencia, o citado proxecto ten cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a vida social no medio





rural e a estimular o arraigamento da poboación sobre o territorio no que habita nel mediante a consecución dos seguintes obxectivos:

- Preservación dos valores sociais e culturais do medio rural.
- Potenciación de elementos que recuperen ou manteñan a historia e a memoria da comarca.
- Dinamización da vida socioeconómica e cultural da zona.
- Mellora da relación social dos veciños.
- Satisfacción de necesidades e aspiracións da veciñanza.
- Mellora dos tecidos culturais, educativos e produtivos.
- Fortalecemento do orgullo e satisfacción de pertenza á comunidade rural beneficiaria do proxecto.
- Potenciación de elementos que recuperen ou manteñan a historia e a memoria da comarca.

Por outra parte, as actuacións propostas cumpren os requisitos c) previstos para a categoría C) da regra 3 do acordo do 20 de abril de 2022:

C) Promoción e posta en valor da vida social, cultural e educativa da comarca.

Os proxectos senlleiros deste tipo deben reunir algunha das seguintes características:

- a. (...)
- b. (...)
- c. Realizar obras de mellora, reforma e reparación de infraestruturas e instalacións, así como o seu equipamento, destinadas a satisfacer as necesidades da veciñanza.

Ademais, o citado Acordo do 20 de abril de 2022 (modificado neste apartado polo Acordo do 7 de novembro de 2022 do Consello de Dirección da Axencia Galega de Desenvolvemento Rural), sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego: Concellos.

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- a. Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.
- b. Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- c. Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- d. Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

Polo exposto, o proxecto presentado polo Concello de Begonte para o acondicionamento e ampliación do local social de Carral dentro da categoría "Promoción e posta en valor da vida social, cultural e educativa da comarca", cumpre cos criterios obxectivos e





subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

**Cuarto.-** O artigo 19.4 da Lei 9/2007, de subvencións de Galicia, establece que poderán concederse de forma directa subvencións nas que se acrediten razóns de interese público, social, económico ou humanitario ou outras debidamente xustificadas que dificulten a súa convocatoria pública.

Como se pode deducir do manifestado nos apartados anteriores, en cumprimento do establecido nos artigos 19 e 26 da Lei 9/2007, de 13 de xuño, de subvencións de Galicia, e no artigo 40 do Decreto 11/2009, do 8 de xaneiro, polo que se aproba o Regulamento da citada lei, os obxectivos que se perseguen con este convenio resultan de interese público, social e económico para o desenvolvemento rural, a través da categoría de proxecto senlleiro en que se encadra, conforme ao Acordo do 20 de abril de 2022 do Consello de Dirección da Axencia Galega de Desenvolvemento Rural (modificado polo Acordo de 7 de novembro de 2022 do Consello de Dirección da Axencia Galega de Desenvolvemento Rural) e están en consonancia coas medidas de impulso e apoio ao desenvolvemento rural levadas a cabo pola Axencia.

En concreto, en relación ao proxecto de que se trata, as razóns que xustifican o interese social e público que dificultan a promoción da concorrencia pública e a seguinte: a singularidade do proxecto presentado polo concello para o acondicionamento e ampliación do local social de Carral xustifícase porque nos atopamos ante un espazo público que promove a socialización e confraternización entre os veciños e constitúe un lugar de encontro e relación veciñal que incentiva o desenvolvemento da comarca e que promove a fixación de poboación nesta área rural.

Ademais, debido ao carácter puntual ou ocasional deste tipo de apoio e á vista das características concretas das actuacións previstas, non parece adecuado articular estas axudas a través dunha convocatoria pública, sendo a subvención directa a través dun convenio a fórmula que máis se adapta á natureza destas axudas.

En consecuencia, as partes, asinan este convenio para a concesión dunha subvención directa, de acordo coas seguintes

## CLÁUSULAS

### **PRIMEIRA.- Obxecto**

O obxecto do presente convenio é o acondicionamento e ampliación do local social de Carral de acordo coas actuacións definidas no proxecto presentado polo concello.





## SEGUNDA.- Actuacións a realizar

As actuacións a realizar son as seguintes:

- ✓ Aumentar a superficie do edificio existente polos flancos sueste e suroeste. Demolición total da cuberta, posto que o material de cubrición non cumpre coas esixencias da normativa vixente relativas á adecuación ao medio e, ademais, carece de illamento para dar cumprimento ás esixencias do CTE.
- ✓ Colocación dunha cuberta de panel sándwich con cubrición de lousa adecuada a unha edificación en Chan Rústico, a estrutura actual resulta insuficiente, polo que se procederá á colocación dunha nova estrutura de cerchas de madeira laminada na totalidade do local.
- ✓ A actual soleira está en contacto co terreo o que implica presenza de humidade e risco de penetración de gas radon. Picarase a totalidade da soleira e procederase á execución dun forxado sanitario ventilado de pezas Cáviti, que mellore o illamento con respecto ao terreo e as condicións higrotérmicas dos recintos.
- ✓ Manteranse parte dos cerramentos existentes, procedendo á demolición dos tramos nas zonas de ampliación. Procederase a illar polo interior a totalidade dos cerramentos para conseguir un envoltente uniforme e enerxéticamente eficiente.
- ✓ No interior do local proxéctase un pequeno almacén para provisión de ferramentas, material dos cursos para impartir...etc, así como dous aseos cumprindo coas esixencias da normativa de accesibilidade e hixiene.
- ✓ Proxectarase unha pequena zona de cociña para servizo do local social.

Ao abeiro do presente convenio considéranse actuacións subvencionables os investimentos e gastos realizados polo beneficiario que estean encadrados nos conceptos que se detallan no Anexo I "Orzamento xeral e descrición por partidas" e cumbran as condicións que se detallan na memoria presentada.

## TERCEIRA.- Obrigas do concello de Begonte

O concello de Begonte comprométese a facer constar en toda a publicidade -tanto impresa como audiovisual- a colaboración da Axencia Galega de Desenvolvemento Rural e a Xunta de Galicia para o que utilizará a normativa da imaxe corporativa da propia da Axencia Galega de Desenvolvemento Rural. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

Os beneficiarios deberán dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo





30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O beneficiario ten a obriga de prestar colaboración e facilitar tanta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

Segundo o establecido no artigo 4 do Decreto 193/2011, polo que se regulan especialidades nas subvencións ás entidades locais galegas, é necesario que o concello de Begonte cumpra co deber de remisión ao Consello de Contas das contas xerais de cada exercicio.

Para proceder á sinatura do convenio e despois para o seu pagamento o concello de Begonte deberá presentar as certificacións ou a declaración responsable, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.

A sinatura deste convenio implica, de ser o caso, a autorización á Axencia para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

O concello de Begonte comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. A Axencia poderá comprobar, cando o considere pertinente, a execución das actividades obxecto deste convenio.

#### **CUARTA.- Financiamento**

O gasto total das actuacións do proxecto de acondicionamento e ampliación do local social de Carral a desenvolver polo beneficiario no marco do presente convenio, de acordo co orzamento previsto no Anexo I deste convenio, ascende a douscentos dezaseis mil catrocentos sesenta e oito euros con sesenta e seis céntimos (216.468,66 €) que serán asumidos polas partes na porcentaxe e importe que se indica a continuación:

• Axencia Galega de Desenvolvemento Rural	80%	173.174,93 €
• Concello de Begonte:	20%	43.293,73 €
<b>TOTAL</b>	<b>100%</b>	<b>216.468,66 €</b>

A achega da **Axencia Galega de Desenvolvemento Rural** realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2025-2026, a través dos mecanismos previstos no





ordenamento xurídico, que inclúen o cumprimento por parte do beneficiario dos requisitos legais para ser beneficiario.

Aplicación orzamentaria 15.A1.712A.760.0 dos orzamentos xerais da Comunidade Autónoma de Galicia para os anos 2025-2026, código de proxecto 2017-00003.-"Actuacións senlleiras de mellora do patrimonio rural".			TOTAL
Importe	2025	2026	
	43.296,00 €	129.878,93 €	173.174,93 €

Para a execución das actuacións o **concello de Begonte** achegará os importes que a continuación se detallan distribuídos nas seguintes anualidades:

Importe	2025	2026	TOTAL
	10.824,00 €	32.469,73 €	43.293,73 €

Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do Decreto 193/2011, do 6 de outubro, pola que se regulan especialidades nas subvencións ás entidades locais galegas, a Axencia Galega de Desenvolvemento Rural poderá efectuar pagos anticipados, que suporán a entrega de fondos con carácter previo á xustificación, ata un importe máximo do 50% da cantidade total subvencionada. Este anticipo non poderá superar o importe previsto para cada anualidade. A concesión do anticipo farase mediante resolución motivada.

O pagamento restante realizarase no momento da completa xustificación polo concello de Begonte do cumprimento da finalidade e demais condicións establecidas no convenio.

O concello de Begonte tamén poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.





O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 138.539,94 €.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do devandito artigo, exonera de constitución de garantía, entre outros, as administracións públicas.

No caso de que o concello de Begonte solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

#### **QUINTA.- Xustificación dos gastos**

O beneficiario xustificará ante a Axencia Galega de Desenvolvemento Rural a realización das actuacións previstas no proxecto que inclúe a memoria técnica valorada que ascende a ascende a douscentos dezaseis mil catrocentos sesenta e oito euros con sesenta e seis céntimos (216.468,66 €) dos cales 173.174,93 euros serán financiados pola Axencia e 43.293,73 euros polo concello.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño, e de acordo co previsto no Decreto 193/2011, do 6 de outubro, polo que se regulan especialidades en subvencións ás entidades locais galegas.

De conformidade co previsto na Lei 9/2007, de subvencións de Galicia o prazo de execución e xustificación rematará o 15.11.2026. Para os gastos correspondentes á anualidade 2025, o prazo de execución e xustificación rematará o 15.11.2025 sen prexuízo de que as actividades subvencionadas sexan as executadas a partires do 01 de xaneiro de 2025. Para os gastos realizados comprendidos dende o 16.11.2025 o prazo de xustificación rematará o 15.11.2026.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.

A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa da subvención presentarase electronicamente por medio do procedemento xenérico <https://sede.xunta.gal/detalle-procedemento?codtram=PR004A> e incluirá a seguinte documentación:





- Certificación expedida pola Secretaría da entidade co visto e prace da Alcaldía, relativa á aprobación polo órgano competente da conta xustificativa da subvención, na que se faga constar de forma detallada:
  - a) O cumprimento da finalidade da subvención.
  - b) Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acredor/a, número de factura ou documento equivalente, importe, data de emisión e data de recoñecemento da obriga polo órgano competente.
- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida
- Facturas expedidas polas empresas adjudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Declaración que conteña unha relación detallada doutras subvenciones, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Certificación ou informe da persoa titular da Secretaría ou da Intervención da entidade local ou, de ser o caso, do/da empregado/a público/a que, de acordo coa estrutura organizativa do concello, teña atribuída as competencias en materia de contratación pública, acreditativo de que o procedemento de contratación se tramitou nos termos previstos na normativa de contratación do sector público, e con indicación do procedemento seguido para a contratación das obras subvencionadas.
- Acta de recepción.
- Certificado relativo á situación do beneficiario respecto o IVE no marco das actuacións realizadas en relación ao custo real soportado.
- Certificado bancario ou declaración asinada polo representante legal da entidade local indicando o número de conta bancaria (IBAN) para os efectos de efectuar o ingreso da subvención que corresponda.
- Acreditación da colaboración da Axencia e da Xunta de Galicia (na publicidade das actuacións subvencionadas).
- Imaxes fotográficas das actuacións realizadas.
- Permisos, licenzas e autorizacións que resulten preceptivos segundo a lexislación vixente.
- Aclaracións ou informes relativos á xustificación do investimento que o órgano xestor considere convenientes.

A presentación desta información é requisito imprescindible para a tramitación do pagamento, devolvendo toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia (modificado pola Lei 12/2011, do 26 de decembro, de medidas fiscais e administrativas).

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, do 13 de xuño, de subvencións de Galicia, e na Lei 9/2017, do 8 de novembro, de contratos do sector público.





No caso de que o concello de Begonte non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

#### **SIXTA.- Compromiso de participación das mulleres.**

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

#### **SÉTIMA.- Causas de resolución**

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.

#### **OITAVA.- Publicidade**

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificatevos das persoas asinantes.

Así mesmo, o concello de Begonte acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público, e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no Decreto 126/2006, do 20 de xullo, e no Decreto 132/2006, do 27 de xullo.





## **NOVENA.- Xurisdición**

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia, e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións. Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.

## **DÉCIMA.- Vixencia**

O período de vixencia deste convenio será dende a súa sinatura e ata o 15 de novembro de 2026, sen prexuízo de que as actividades subvencionadas sexan as executadas a partires do 1 de xaneiro de 2025.

## **DÉCIMO PRIMEIRA.- Comisión de seguimento**

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado polo concello de Begonte e a persoa titular da secretaría xeral da Axencia como representante designado pola Axencia Galega de Desenvolvemento Rural ou persoa que a substitúa.

## **DÉCIMO SEGUNDA.- Modificación do convenio**

A modificación do contido do convenio requirirá acordo unánime dos asinantes e realizarase mediante unha addenda coa normativa aplicable.

## **DÉCIMO TERCEIRA.- Extinción do convenio**

Os convenios extínguense polo cumprimento das actuacións que constitúen o seu obxecto ou por incorrer en causa de resolución.

Son causas de resolución:

- a) O transcurso do prazo de vixencia do convenio sen acordarse a prórroga do mesmo.
- b) O acordo unánime de todos os asinantes.
- c) O incumprimento das obrigacións e compromisos asumidos por parte dalgún dos asinantes.

Neste caso, calquera das partes poderá notificar á parte que incumpra un requirimento para que cumpra nun determinado prazo coas obrigacións ou compromisos que se consideran incumplidos. Este requirimento será comunicado ao responsable do mecanismo de seguimento, vixilancia e control da execución do convenio e ás demais partes asinantes.





Se transcorrido o prazo indicado no requirimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolvido o convenio. A resolución do convenio por esta causa poderá supoñer a indemnización dos prexuízos causados se así se previu.

- d) Por decisión xudicial declaratoria da nulidade do convenio.
- e) Por calquera outra causa distinta das anteriores prevista no convenio ou noutras leis.

#### **DÉCIMO CUARTA.- Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica).

Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E en proba de conformidade, asínase o presente convenio no lugar e data que figura no mesmo.

María José Gómez Rodríguez  
(P.D. Acordo do Consello de  
Dirección do 21.07.2021)  
Presidenta da Axencia Galega  
de Desenvolvemento Rural

José Ulla Rocha  
Alcalde do concello  
de Begonte





## ANEXO I

- Orzamento xeral

Capítulo	Partidas	Importe
1	Actuacións previas, demolicións	8.460,40 €
2	Acondicionamento de terreo	2.400,88 €
3	Rede de saneamento	4.956,47 €
4	Cimentacións	25.575,41 €
5	Estrutura	14.792,56 €
6	Cuberta	28.587,83 €
7	Illamentos e impermeabilizacións	3.268,29 €
8	Fachadas e particións	3.400,22 €
9	Carpinterías e vidreiras	9.040,66 €
10	Pavimentos e falsos teitos	7.007,69 €
11	Pinturas e revestimentos	10.161,48 €
12	Fontanería e aparatos sanitarios	6.025,63 €
13	Electricidade e iluminación	4.742,75 €
14	Climatización e ventilación	4.636,73 €
15	Protección contra incendios	65,25 €
16	Seguridade e saúde	2.700,00 €
17	Control de calidade	1.350,00 €
18	Xestión de residuos	681,00 €
Orzamento de execución material		137.853,25 €
13,00% Gastos xerais		17.920,92 €
6,00 % Beneficio industrial		8.271,20 €
Base Impoñible		164.045,37 €
21 % IVE		34.449,53 €
<b>Orzamento execución por contrata</b>		<b>198.494,90 €</b>

Honorarios	Base	Retención	IVE	Subtotal
Proxecto básico e execución	5.090,00 €	763,50 €	1.068,90€	6.922,40 €
Dirección obra arquitecto e DFO	2.688,00 €	403,20 €	564,48 €	3.655,68 €
Dirección execución obra	2688,00 €	403,20 €	564,48 €	3.655,68 €
Coordinación seguridade e saúde	500,00 €	75,00 €	105,00 €	680,00 €
Proxecto instalación eléctrica	1.500,00 €	225,00 €	315,00 €	2.040,00 €
Dirección instalación eléctrica	750,00 €	157,50 €	157,50 €	1.020,00 €
<b>Total honorarios</b>				<b>17.973,76 €</b>





Orzamento execución por contrata	198.494,90 €
Total honorarios	17.973,76 €
<b>TOTAL</b>	<b>216.468,66 €</b>

- Descrición por partidas

- **Capítulo 1- Actuacións previas, demolicións**

- Demolición combinada do edificio, co amontoamento provisional que sexa necesario. Fragmentación dos entullos en pezas manexables. Limpeza final do solar. Retirada de entullos e carga sobre camión, previa clasificación dos mesmos. Transporte de entullos a entulleira autorizada.
- Canon de vertedura por entrega de residuos inertes de ladrillos, tellas e materiais cerámicos, producidos en obras de construción e/o demolición, en entulleira específica, instalación de tratamento de residuos de construción e demolición externa á obra ou centro de valorización ou eliminación de residuos.

- **Capítulo 2- Acondicionamento de terreo**

- Escavación de terras ao descuberto, en chan de arxila semidura, con medios manuais, ata alcanzar a cota de profundidade indicada no Proxecto. Mesmo refinado de paramentos e fondo de escavación, extracción de terras fóra da escavación, retirada dos materiais escavados e carga a camión.
- Transporte de terras con camión de 12 t dos produtos procedentes da escavación de calquera tipo de terreo dentro da obra, considerando o tempo de espera para a carga mecánica, ida, descarga e volta.

- **Capítulo 3- Rede de saneamento**

- Subministración e montaxe de arqueta de paso enterrada, de PVC.
- Subministración e montaxe de arqueta a pe de baixante enterrada, de PVC.
- Subministración e montaxe de colector enterrado de rede horizontal de saneamento con arquetas.
- Subministración e montaxe de tubaxe enterrada de drenaxe.
- Subministración e montaxe de instalación interior de fontanería para aseo con dotación para: inodoro e lavabo.
- Subministración e montaxe de instalación interior de fontanería para cociña.

- **Capítulo 4- Cimentacións**

- Formación de capa de formigón de limpeza e nivelado de fondos de cimentación.
- Formación de zapata corrida de cimentación, de formigón armado.





- Formación de viga de atado de formigón armado.
- Montaxe de sistema de encofrado recuperable metálico, para zapata corrida de cimentación.
- Montaxe de sistema de encofrado recuperable metálico, para zapata de cimentación.
- Montaxe de sistema de encofrado recuperable metálico, para viga de atado.
- Presolera de formigón armado de 3 cm de espesor, realizada con formigón.
- Formación de forxado sanitario de formigón armado de 30+5 cm de canto total, sobre encofrado perdido de pezas de polipropileno reciclado, C-30 "CÁVITI", realizado con formigón.
- Formación de recrecido alixeirado de formigón armado de 5+5 cm de espesor, sobre encofrado perdido de pezas de polipropileno reciclado, C-5 "CÁVITI", de 580x400x50 mm, cor negra, realizado con formigón.
- Subministración e instalación de toma de terra composta por pica de aceiro cobreado de 2 m de lonxitude, fincada no terreo.

#### ▪ **Capítulo 5- Estrutura**

- Execución de muro de carga de 19 cm de espesor de fábrica armada de bloque de termoarcilla.
- Subministración e colocación de cercha de gran escuadra de ata 8 m de luz.
- Subministración e colocación de correa de madeira laminada encolada homoxénea, de 33 ó 45 mm de espesor das láminas e sección constante, para aplicacións estruturais.
- Formación de piar de sección rectangular ou cadrada de formigón armado, de 30x30 cm de sección media, realizado con formigón.
- Formación de zuncho de apoio de forxado de formigón armado, realizado con formigón.
- Formación de laxa inclinada de formigón armado, realizada con formigón.
- Formación de soleira de formigón armado de 15 cm de espesor, realizada con formigón.

#### ▪ **Capítulo 6- Cuberta**

- Panel sándwich machihembrado, composto de: cara exterior de tableiro de aglomerado hidrófugo de 16 mm de espesor, núcleo illante de espuma de poliestireno extruído de 80 mm de espesor e cara interior de friso de abeto natural, de 13 mm de espesor, de 2500x600 mm, sobre armazón estrutural; COBERTURA: lousa para teitar en pezas rectangulares, 32x22 cm, de segunda calidade, grosor 3 a 4 mm, colocadas formando tres espesores (cuberta terciada), e fixadas sobre rastreles de madeira de piñeiro de 42x27 mm.
- Subministración e montaxe de canlón circular de aceiro galvanizado, de desenvolvemento 280 mm, para recollida de augas.





- Baixante exterior da rede de evacuación de augas pluviais, formada por tubo de PVC.
  - Formación de impermeabilización de muro de soto ou estrutura enterrada, pola súa cara exterior, mediante lámina de betume modificado con elastómero SBS.
  - Subministración e colocación de illamento térmico vertical de soleiras en contacto co terreo.
  - Subministración e colocación de illamento térmico horizontal de soleiras en contacto co terreo.
  - Subministración e colocación de illamento polo interior en cerramento de dobre folla de fábrica para revestir formado por panel ríxido de poliestireno extruído.
- **Capítulo 07- Illamento e impermeabilización**
- Formación de impermeabilización de muro de soto ou estrutura enterrada, pola súa cara exterior.
  - Subministración e colocación de illamento térmico vertical de soleiras en contacto co terreo.
  - Subministración e colocación de illamento térmico horizontal de soleiras en contacto co terreo.
  - Subministración e colocación de illamento polo interior en cerramento de dobre folla de fábrica para revestir formado por panel ríxido de poliestireno extruído.
- **Capítulo 08- Fachadas e particións**
- Formación de folla de partición interior de 8 cm de espesor de fábrica, de ladrillo cerámico oco (cubo), para revestir, 24x11,5x8 cm, recibida con morteiro de cemento industrial, cor gris, M-5, fornecido a granel.
  - Execución de folla interior de cerramento de fachada de 8 cm de espesor, de fábrica de ladrillo cerámico oco (cubo), para revestir, 24x11,5x8 cm, recibida con morteiro de cemento industrial, cor gris, M-5, fornecido a granel.
- **Capítulo 09- Carpinterías e vidreiras**
- Subministración e colocación de dobre acristalamento tépedo, de baixa emisividade térmica ao exterior e laminar ao interior.
  - Subministración e montaxe de carpintería de aluminio, lacado estándar, con 60 micras de espesor mínimo de película seca, para conformado de porta de aluminio, abisagrada practicable de apertura cara ao interior, de 170x210 cm.
  - Subministración e montaxe de carpintería de aluminio, lacado estándar, con 60 micras de espesor mínimo de película seca, para conformado de xanela de aluminio, abisagrada practicable de apertura cara ao interior, de 140x120 cm ,75x120 cm.





- Subministración e montaxe de carpintería de aluminio, lacado estándar, con 60 micras de espesor mínimo de película seca, para conformado de fixo de aluminio, de 60x210 cm.
  - Subministración e colocación de porta de paso cega, dunha folla de 203x82,5x3,5 cm, de taboleiro aglomerado, chapado con piñeiro país, vernizada en taller, con plafóns de forma recta; precerco de piñeiro país de 90x35 mm; galces de MDF, con rechapado de madeira, de piñeiro país de 90x20 mm; tapaxuntas de MDF, con rechapado de madeira, de piñeiro país de 70x10 mm en ambas as caras.
  - Subministración e colocación de porta de paso cega, de dúas follas de 203x82,5x3,5 cm, de taboleiro aglomerado, chapado con piñeiro país, vernizada en taller, con plafóns de forma recta; precerco de piñeiro país de 90x35 mm; galces de MDF, con rechapado de madeira, de piñeiro país de 90x20 mm; tapaxuntas de MDF, con rechapado de madeira, de piñeiro país de 70x10 mm en ambas as caras.
  - Subministración e colocación de varanda de aceiro inoxidable.
- **Capítulo 10- Pavimentos e falsos teitos**
- Subministración e execución de pavimento mediante o método de colocación en capa grossa, de baldosas cerámicas de gres esmaltado.
  - Subministración e colocación de rodapé cerámico de gres porcelánico.
  - Capa fina de pasta niveladora de chans.
  - Subministración e colocación de felpudo encastrado de rizos de vinilo entrelazados, cor azul, espesor total 14 mm.
  - Subministración e formación de falso teito continuo suspendido.
  - Subministración e colocación de pavimento de baldosas de granito Gris Mondariz, para exteriores.
- **Capítulo 11- Pinturas e revestimentos**
- Formación de revestimento continuo de morteiro de cemento M-5, maestreado, de 15 mm de espesor
  - Formación de revestimento continuo interior de xeso, maestreado, sobre paramento vertical interior, de ata 3 m de altura, de 15 mm de espesor así como outro de 3mm de espesor.
  - Subministración e colocación de alicatado con gres esmaltado.
  - Formación de capa de pintura plástica con textura lisa, cor branca, acabado mate, sobre paramentos horizontais e verticais interiores de xeso ou escaiola.
  - Formación en fachadas de capa de acabado para revestimentos continuos bicapa con pintura plástica, cor branca, textura lisa.
- **Capítulo 12- Fontanería e aparatos sanitarios**
- Subministración e instalación de contador de auga fría de lectura directa, de chorro simple.
  - Subministración e montaxe de instalación interior de fontanería para aseo con dotación para: inodoro e lavabo.





- Subministración e montaxe de instalación interior de fontanería para cuarto húmido con 2 tomas de auga e chave de paso.
  - Subministración e colocación de barra de suxeición para minusválidos, rehabilitación e terceira idade, para inodoro.
  - Subministración e instalación de lavabo de porcelana sanitaria sobre encimeira, gama básica, cor branca.
  - Subministración e instalación de cunca de inodoro con tanque integrado, de porcelana sanitaria, para montaxe suspendida, cor branca, con asento de inodoro extraíble e antiescorregadizo e tapa.
  - Subministración e instalación de inodoro de porcelana sanitaria con tanque baixo, gama básica, cor branca, composto de cunca, asento, tapa especial, mecanismo de dobre descarga.
  - Subministración e instalación de acumulador de aceiro vitrificado, de chan, 300 l.
  - Subministración e instalación de fosa séptica de polietileno de alta densidade.
- **Capítulo 13- Electricidade e iluminación**
- Instalación eléctrica e iluminación segundo proxecto independente.
- **Capítulo 14- Climatización e ventilación**
- Subministración e instalación de extractor para baño formado por ventilador helicoidal extraplano.
  - Subministración e instalación de conduto circular de parede simple helicoidal de aceiro galvanizado.
  - Subministración e montaxe de reixa de intemperie para instalacións de ventilación, marco frontal e lamas de chapa perfilada de aceiro galvanizado.
  - Subministración e instalación no interior da campá de extractor de cociña.
  - Subministración e montaxe de sombrerete contra a choiva de chapa galvanizada.
  - Subministración e colocación de cheminea individual modular metálica.
  - Subministración e instalación de unidade de exterior e unidade de interior de aire acondicionado.
- **Capítulo 15- Protección contra incendios**
- Subministración e colocación de extintor portátil de po químico ABC polivalente antibrasa, con presión incorporada, de eficacia 21A-144B-C, con 6 kg de axente extintor, con manómetro e manguera con embocadura difusora.





- **Capítulo 16- Seguridade e saúde**
  - Partida para medidas de seguridade e saúde, segundo prescricións do Estudo Básico de Seguridade e Saúde segundo Real Decreto 1627/1997 do 24 de Outubro.
- **Capítulo 17- Control de calidade**
  - Partida para realización do Plan de Control de Calidade na Obra, incluíndo control de recepción de produtos, control da execución, e control da obra terminada segundo Decreto 232/1993 do 30 de setembro de Control de Calidade na Edificación na comunidade autónoma de Galicia e RD 314/2006, do 17 de marzo polo que se aproba o CTE modificado por RD 1371/2007.
- **Capítulo 07- Xestión de residuos**
  - Partida para cumprimento do Plan de Xestión de Residuos, segundo prescricións do Real Decreto 105/2008.

